

TIMBALAN Pengarah Universiti Malaysia Sabah, Kampus Antarabangsa Labuan (UMSKAL) Prof Madya Dr Geoffrey Harvey Tanakinjal mengetuai Majlis Melafaz dan Menandatangani Ikrar Bebas Rasuah (IBR) bersama warga UMSKAL di sini pada Isnin.

Sambil disaksikan Timbalan Pengarah Suruhanjaya Pencegah Rasuah Malaysia (SPRM), Wilayah Persekutuan Labuan Penguasa Kanan Geoffrey Tawayan, Geoffrey Harvey Tanakinjal menyifatkan tindakan itu sebagai tanda komitmen pengurusan UMSKAL dalam menzahirkan pentadbiran yang telus dan bebas daripada rasuah serta penyalahgunaan kuasa.

“Ikrar ini merupakan salah satu daripada kerjasama strategik yang dirangka antara pengurusan UMSKAL dan SPRM bagi tujuan membendung serta memperkukuhkan undang-undang terhadap mana-mana individu yang terlibat dengan rasuah, penyalahgunaan kuasa dan penyelewengan.

“Kami menjunjung tanggungjawab serta akauntabiliti bagi menjauhi rasuah. Dalam masa sama, ikrar ini juga memperlihatkan keikhlasan, komitmen kerja serta keinginan kami untuk berkhidmat dalam suasana kerja yang kondusif demi menjalankan tanggungjawab dan amanah kepada rakyat,” katanya.

Beliau berkata demikian ketika mewakili Pengarah UMSKAL Prof Madya Dr Murnizam Haji Halik berucap sebelum mengetuai bacaan ikrar itu di Bilik Kuliah Podium D, Bangunan Menara UMSKAL.

Turut melafaz dan menandatangani IBR ialah Dekan Fakulti Kewangan Antarabangsa Labuan (FKAL) Prof Madya Dr Hanudin Amin, Timbalan Dekan Fakulti Komputeran dan Informatik (FKI) Dr Zamhar Iswandono Awang



GEOFFREY Harvey dan Geoffrey Tawayan (kanan) menyaksikan (dari kiri) Zamri, Hanudin dan Zamhar serta ketua sektor menandatangani IBR.

Ismail dan Timbalan Pendaftar Kanan UMSKAL Zamri Haji Mohamad Tuah.

Ketua-ketua Sektor UMSKAL turut menandatangani IBR sambil disaksikan Geoffrey Harvey dan Geoffrey Tawayan.

Geoffrey Harvey berkata keterbukaan dan sifat kebertanggungjawaban yang dipamerkan oleh kepimpinan dan warga universiti dalam menandatangani IBR itu juga turut membuktikan usaha membanteras dan memerangi rasuah bukanlah

tanggungjawab eksekutif SPRM semata-mata.

Sebaliknya, ia merupakan amanah dan tugas yang perlu dikongsi oleh seluruh ahli masyarakat, khususnya dalam kalangan warga yang berkhidmat di UMSKAL, bagi memastikan negara ini bebas daripada sebarang gejala rasuah dan salah guna kuasa.

Sementara itu, Geoffrey Tawayan yang mewakili Pengarah SPRM Labuan Abdulamin Abdullah memuji langkah diambil UMSKAL dalam

menandatangani ikrar itu dengan menyifatkannya sebagai langkah ke depan dalam membasmi rasuah. “Inisiatif ini memperlihatkan kesungguhan pengurusan UMSKAL bagi memastikan pentadbirannya dilaksanakan dengan lebih telus serta bebas daripada sebarang salah guna kuasa dan rasuah.

“SPRM berharap inisiatif ini dapat memelihara dan meningkatkan keyakinan rakyat terhadap SPRM serta UMSKAL dalam usaha



GEOFFREY Harvey (tiga kanan) mengetuai Majlis Melafaz Ikrar Bebas Rasuah peringkat UMSKAL. Turut kelihatan Geoffrey Tawayan (dua kiri).



GEOFFREY Harvey (kiri) menyerahkan dokumen IBR kepada Geoffrey Tawayan.

berterusan membentuk pentadbiran yang bebas dari unsur negatif itu,” katanya.

Katanya, UMSKAL adalah merupakan institusi pendidikan tinggi yang terus berusaha gigih dalam melahirkan generasi bijak pandai yang kompeten dan

pada suatu hari nanti akan menjadi golongan tunjang yang akan memajukan negara ini.

Justeru, adalah penting sekiranya warga UMSKAL baik dari kalangan warga kerja serta anak didik mereka, dilihat dan dikenali

sebagai sebuah institusi pengajian tinggi yang mengamalkan nilai-nilai integriti dan ketelusan dalam segala aspek.

“Oleh itu, selaras dengan visi UMS untuk menjadi sebuah universiti yang berinovatif yang bertaraf dunia, adalah amat penting bagi institusi ini untuk mengekalkan imej yang berdisiplin dan berintegriti bagi memperkasakan amalan dan sifat membenci rasuah, penyelewengan dan salah guna kuasa dalam diri setiap warga kerja UMSKAL,” katanya.

Beliau berkata amalan serta budaya rasuah dan salah guna kuasa perlulah dibenci, ditolak dan diperangi habis-habisan oleh seluruh warga UMSKAL agar ia tidak diberi ruang sama sekali untuk menjalar dan meracuni warga universiti.

IBR itu merupakan satu inisiatif baharu yang diperkenalkan SPRM hasil cetusan idea oleh Ketua Pesuruhjaya SPRM sendiri, Tan Sri Dzulkifli Ahmad.



SEBAHAGIAN kakitangan UMSKAL yang melafaz ikrar IBR.



SEBAHAGIAN warga kerja UMSKAL bergambar kenangan selepas menghadiri Majlis Melafaz IBR peringkat UMSKAL.